



Broj : 10/E-11- 103 /26  
Sarajevo: 14-01-2026 godine

Na osnovu člana 10a. tačka d) alineja 6), člana 18. stav (2) Zakona o javnim nabavkama („Službeni glasnik BiH”, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a u skladu sa zahtjevom Kabineta općinskog načelnika od 12.01.2026. godine, Opštinski načelnik d o n o s i :

### **O D L U K U** **o izuzeću od primjene Zakona o javnim nabavkama**

#### **Član 1.**

Od primjene Zakona o javnim nabavkama izuzimaju se usluge plaćanja troškova u žalbenim postupcima (zatezne kamate i troškovi spora).

#### **Član 2.**

Procijenjena vrijednost za usluge iz člana 1. ove Odluke iznosi 3.000,00 KM, a sredstva su planirana u Budžetu Općine Centar Sarajevo za 2026. godinu, na budžetskom kontu: 913960. JRJN: 66513100-0 Usluge osiguranja troškova pravne zaštite.

#### **Član 3.**

Dokazi za provođenje predmetne nabavke su akti o priznavanju troškova advokata u žalbenim postupcima, te će se na osnovu istih vršiti plaćanja za svaku pojedinačnu uslugu.

#### **Član 4.**

Ova Odluka stupa na snagu danom donošenja i ista će biti objavljena na službenoj stranici Općine Centar Sarajevo.

### **O b r a z l o ž e n j e**

Na osnovu zahtjeva Kabineta općinskog načelnika od 12.01.2026. godine za nabavku usluga plaćanja troškova u žalbenim postupcima (zatezne kamate i troškovi spora), a koje se odnose na usluge advokata za naknadu troškova za sastav žalbi, u skladu sa propisima koji regulišu predmetnu oblast, Kabinet općinskog načelnika – Odsjek za javne nabavke predlaže odluku o izuzeću.

Članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10a. tačka d) Zakona o javnim nabavkama, propisana su izuzeća od primjene odredbi ovog zakona, gdje je definisano:

„Ovaj zakon ne primjenjuje se na ugovor o javnoj nabavci usluga za:

d) pravne usluge;

1) usluge pravnog zastupanja stranaka od strane advokata u arbitraži ili mirenju u Bosni i Hercegovini i drugoj zemlji ili pred međunarodnom instancom arbitraže ili mirenja;

2) usluge pravnog zastupanja stranaka od strane advokata u postupku pred sudovima ili organima uprave u Bosni i Hercegovini ili drugoj zemlji ili pred međunarodnim sudovima ili institucijama;

3) usluge pravnog savjetovanja koje advokat pruža tokom pripreme bilo kojeg od postupaka iz tačke a) i b) ovoga stava ili ako postoji konkretna naznaka i velika vjerovatnost da će pravna stvar na koju se savjet odnosi postati predmet takvih postupaka;

4) usluge ovjeravanja i potvrđivanja dokumenata koje pružaju notari;

5) pravne usluge koje pružaju skrbnici ili zakonski zastupnici maloljetnika ili druge pravne usluge čije je pružatelje imenovao nadležni sud u Bosni i Hercegovini ili su određeni zakonom za izvođenje određenih zadataka pod nadzorom tih sudova;

6) druge pravne usluge koje su u Bosni i Hercegovini povezane, čak i povremeno, s izvršavanjem službenih ovlaštenja."

U skladu sa članom 18. stav (1) i (2) a u vezi sa članom 10a. tačka d), kojim su propisana izuzeća od primjene odredbi ovog zakona, utvrđeno je da su ispunjene pretpostavke za donošenje predmetne odluke. Usluge plaćanja troškova advokata u žalbenim postupcima će se vršiti na osnovu akata za svaku pojedinačnu uslugu.

Period primjene pružanja usluga teče od dana potpisivanja ove odluke. Za praćenje i realizaciju navedenih usluga zadužen je Kabinet općinskog načelnika.

Analizirajući predmetni zahtjev, utvrđeno je da su ispunjene pretpostavke za realizaciju navedenih usluga, odnosno da su finansijska sredstva za ove namjene planirana u Budžetu Općine Centar za 2026. godinu, na budžetskom kontu: 913960.

Shodno zakonu i općim aktima Općine, Opštinskom načelniku dostavlja se prijedlog Odluke o izuzeću od primjene Zakona o javnim nabavkama.

Cijeneći prethodno navedeno donesena je Odluka kao u dispozitivu.



**Dostaviti:**

1. Kabinetu općinskog načelnika
2. Kabinetu općinskog načelnika - Odsjeku za javne nabavke
3. Službi za finansije
4. Evidenciji